

KIUMBE KIPYA **Na Ndugu Robert Stapleton**

Kama Wakristo ni muhimu kutambua sisi ni nani. Sio tu tunavyopaswa kuwa. Na wala tutakavyokuwa. Bali kama Wakristo sisi ni nani. 2 Wakorintho 5:17, 18 inabainisha kwamba kila Mkristo ni “kiumbe kipya”.

Endapo tutaelewa hili tutaanza kuishi katika namna ambayo Mungu anatutazamia kama viumbe vipya. Wakristo wengi wa mdomoni bado wanaishi kwa namna ile ile walivyokuwa wanaishi kabla ya kuwa Wakristo. Na wote wanatakiwa wategemee kushangaa Siku ya hukumu (Mathayo 7:21-23). Katika makala hii, hebu tuone baadhi ya mambo yahasikayo kuwa kiumbe kipya.

KIUMBE KIPYA KINA UHUSIANO MPYA NA MUNGU

Upya huu ni kutokana na badiliko la uhusiano kwenye sheria ya Mungu (Yohana 3:18). Hapo awali pale mtu anapofanyika kuwa Mkristo, asiye Mkristo hushindwa kuendana na sheria ya Mungu katika maeneo mengi. Dhana inayosemwa na baadhi ya watu, kwamba mwanadamu hawezi kuwa chini ya sheria ya Mungu kabla hajaitii injili ni kejele. Dhambi ni uasi juu ya sheria ya Mungu (1 John 3:4). Aliye ndani ya Kristo ameachiwa (amesamehewa) hizi dhambi zote na kwa hiyo, hakabiliwi na hukumu inayotokana na alivyovunja sheria ya Mungu kabla hajawa ndani ya Kristo (Warumi 8:1). Na kwa nyongeza, Mungu anakuwa Baba yao, pamoja na haki zote za kuweza kuwaambia watoto wake anayotaka watende na yale asiyoataka wasitende (1 Yohana 3:1, 2; Mathayo 7:21). Yeye, Baba ana haki ya kuwarudi hao watoto Waebrania 12:7).

KIKUMBE KIPYA KINA UHUSIANO MPYA NA UTAWALA WA MUNGU

Ingawa Waefeso 2:12 inalenga kuzungumzia Mataifa (wasio Wayahudi), lakini fungu hili la maandiko hutupa ujumbe muhimu kuhusu uhusiano wetu na utawala wa Mungu. Kimsingi, twaona ya kuwa Biblia inaonyesha kwamba kiumbe kipya ni mwenyeji na ni watakatifu, na mrithi sawa sawa na ahadi za Mungu (Waefeso 2:19; Warumi 8:17). Mgeni anapopewa uraia, anakuwa mtu mpya kiuhusiano na serikali yetu. Kanuni hiyo hiyo huhusika kwa kiumbe kipya katika Kristo kwa kuzingatia ufalme wa Mungu wa kiroho.

KIUMBE KIPYA KINA UHUSIANO MPYA NA MWENZAKE

Anayefanyika Mkristo anakuwa na uhusiano mpya na kanisa na ulimwengu kwa pamoja. Kwa upande wa kanisa, sasa anakuwa sehemu yake (Matendo 2:47). Kwa upande wa ulimwengu, sasa anajitahidi kutoupenda tena (1 Yohana 2:15-17). Mtu huyu anapokuwa kiumbe kipya hali yake ya kale inakuwa imebadilika kabisa-”Ya kale yamepita”. Anakuwa kiumbe kutokana na majukumu yake, kwa kuwa sasa anamtumikia Bwana (Mathayo 6:24). Kiumbe kipya hukabiliwa na fursa mpya ambazo hazikujitokeza hapo kabla (Wagalatia 6:10)

KIPYA KIPYA HUWA NA MAPITO MAPYA

Kuwa kiumbe kipya haimaanishi kuwa siku zote ataishi kwenye kilele cha mlima. Na wala haijalezwa kuwa hatutapata magumu na hatutasikitishwa (kukatishwa tamaa). Ni

kwa sababu tu uhalisia mpya unaogusa na kuboresha kila pito lake unakuwa umeingia katika maisha yake (Warumi 8:28). Mtu anapofanyika kuwa kiumbe kipya, ufahamu wa uwepo wa ulinzi huja ambao haukupata kuwapo kabla (Mathayo 28:20). Mtu napofanyika kuwa kiumbe kipya, anakuwa mnufaika wa baraka mpya za rohoni ambazo hazikuwa zinapatikana kwake (Waefeso 1:3). Ujasiri unapatikana kwa kujua kuwa yuko upande sahihi, hata ingawa anaishi katika ulimwengu uliojaa dhambi (Wakolosai 1:20). Tumaini linakuwa ndilo chembe ya thamani katika pito hili jipya (Tito 1:2)

KIUMBE KIPYA NI KIUMBE KIPYA KATIKA KITOVU CHA NAFSI YAKE

Tunapoongelea kufanyika kiumbe kipya ni lazima tuelewe kwamba tunaongelea hali itokayo katika utu wa ndani (Ezekieli 36:26). Kiumbe hiki kipya kinakuwa kimezaliwa upya (Yohana 3:3). Sio tukio la kubadilika tu kutoka katika hali ya kale kwenda hali mpya, bali ni kufanyika upya kwa ile iliyokuwa ya kale (Warumi 6:4). “Utu wa kale” unakuwa umefishwa na tunakuwa tumefufuliwa ili tuenende katika upya wa uzima (Warumi 6:4, 6). Tumewekwa huru mbali na dhambi (Warumi 6:18). Tumeanza upya kama vile ambavyo tungeanza upya endapo tungezaliwa upya kimwili.

Je, wewe u kiumbe kipya? Sijauliza kama umebatizwa?. Nimeuliza, wewe u kiumbe kipya?